



აფხაზეთის ავტონომიური რესპუბლიკის ფინანსთა და ეკონომიკის სამინისტრო  
Аԥснытәи автономтәи республика афинанскәи аеконომикәи рминистртә

ბ რ ძ ა ნ ე ბ ა № 01/82 04 12 2024 წ.

ქ. თბილისი

„აფხაზეთის ავტონომიური რესპუბლიკის ფინანსთა და ეკონომიკის სამინისტროს განკარგულებაში არსებულ ფულად სახსრებზე პროცენტის დარიცხვის მიზნით მომსახურე ბანკის შესარჩევი კონკურსის ჩატარების წესის“ დამტკიცების შესახებ

„აფხაზეთის ავტონომიური რესპუბლიკის ფინანსთა და ეკონომიკის სამინისტროს დებულების დამტკიცების შესახებ“ აფხაზეთის ავტონომიური რესპუბლიკის მთავრობის 2019 წლის 30 აგვისტოს №22 დადგენილებით დამტკიცებული დებულების მე-7 მუხლის მე-3 პუნქტის „ო“ ქვეპუნქტის შესაბამისად,

#### ვ ბ რ ძ ა ნ ე ბ ა:

**მუხლი 1.** დამტკიცდეს „აფხაზეთის ავტონომიური რესპუბლიკის ფინანსთა და ეკონომიკის სამინისტროს განკარგულებაში არსებულ ფულად სახსრებზე პროცენტის დარიცხვის მიზნით მომსახურე ბანკის შესარჩევი კონკურსის ჩატარების წესი“ თანდართული სახით.

**მუხლი 2.** ბრძანების შესრულებაზე კონტროლს განვახორციელებ პირადად.

**მუხლი 3.** ბრძანება შეიძლება გასაჩივრდეს სოხუმისა და გაგრა-გუდაუთის რაიონულ სასამართლოში (თბილისი, ა.კალანდაძის ქ.7ა) ოფიციალურად გაცნობიდან ერთი თვის ვადაში.

**მუხლი 4.** ბრძანება ძალაშია ხელმოწერის დღიდან.

მინისტრი

ლამა დოღბაძე

**აფხაზეთის ავტონომიური რესპუბლიკის ფინანსთა და ეკონომიკის სამინისტროს  
განკარგულებაში არსებულ ფულად სახსრებზე პროცენტის დარიცხვის მიზნით  
მომსახურე ბანკის შესარჩევი კონკურსის ჩატარების წესი**

**მუხლი 1. ზოგადი დებულება**

აფხაზეთის ავტონომიური რესპუბლიკის ფინანსთა და ეკონომიკის სამინისტროს განკარგულებაში არსებულ ფულად სახსრებზე პროცენტის დარიცხვის მიზნით მომსახურე ბანკის შესარჩევი კონკურსის ჩატარების წესი (შემდგომში - წესი) განსაზღვრავს აფხაზეთის ავტონომიური რესპუბლიკის რესპუბლიკური ბიუჯეტის კუთვნილი და აფხაზეთის ავტონომიური რესპუბლიკის ფინანსთა და ეკონომიკის სამინისტროს (შემდგომში - სამინისტრო) განკარგულებაში არსებულ ფულად სახსრებზე (შემდგომში - ფულადი სახსრები) სარგებლის მიღების მიზნით მომსახურე ბანკის შესარჩევი კონკურსის (შემდგომში - კონკურსი) ჩატარების წესსა და პირობებს.

**მუხლის 2. საკონკურსო კომისიის მიზანი და ამოცანები**

1. ფულად სახსრებზე ეროვნულ ვალუტაში მაღალი საპროცენტო სარგებლის მიღების, აგრეთვე ანგარიშიდან თანხის გადარიცხვისა და სხვა ოპერაციების შეუფერხებელი და ხარისხიანი მომსახურების განმახორციელებელი მომსახურე ბანკის შესარჩევი კონკურსს ატარებს აფხაზეთის ავტონომიური რესპუბლიკის ფინანსთა და ეკონომიკის მინისტრის (შემდგომში - მინისტრი) ბრძანებით შექმნილი მომსახურე ბანკის შესარჩევი საკონკურსო კომისია (შემდგომში - კომისია).
2. კომისიის ამოცანაა, ამ მუხლის პირველი პუნქტით განსაზღვრული მიზნის განსახორციელებლად კონკურსის ჩატარება, საუკეთესო წინადადების (როგორც ნაშთის საპროცენტო განაკვეთის კუთხით, ასევე, კონკურსის სხვა პირობებით (დანართი N1) განსაზღვრული მომსახურებების) წარმდგენი საბანკო დაწესებულების გამოვლენა და მინისტრისათვის რეკომენდაციის წარდგენა.

**მუხლი 3. კონკურსის გამოცხადება**

1. კონკურსი ცხადდება საჯაროდ. საჯაროდ გამოცხადებაში იგულისხმება საკონკურსო განცხადების განთავსება აფხაზეთის ავტონომიური რესპუბლიკის მთავრობის ოფიციალურ ვებგვერდზე - [www.abkhazia.gov.ge](http://www.abkhazia.gov.ge) აფხაზეთის ავტონომიური რესპუბლიკის ფინანსთა და ეკონომიკის სამინისტროს სექციაში. (დანართი 3).
2. კონკურსი ცხადდება ხელშეკრულების ვადის გასვლამდე ან ხელშეკრულების ვადაზე ადრე შეწყვეტისას - გონივრულ ვადაში.
3. კონკურსის გამოცხადების შესახებ ინფორმაცია, გარდა ამ მუხლის პირველი პუნქტით გათვალისწინებულისა, შეიძლება კომისიის მიერ წერილობით ეცნობოს საქართველოს ტერიტორიაზე მოქმედ საბანკო დაწესებულებებს.

#### **მუხლი 4. კონკურსში მონაწილეობა**

1. პრეტენდენტი შეიძლება იყოს ნებისმიერი საბანკო დაწესებულება, რომელიც ლიცენზირებულია საქართველოს ეროვნული ბანკის მიერ და აკმაყოფილებს ამ წესის მოთხოვნებს.
2. საბანკო დაწესებულების უფლებამოსილი პირის ან მისი წარმომადგენლის (შემდგომში - პრეტენდენტი) კონკურსის პროცესზე დასწრება, რომელმაც კომისიას, მოთხოვნილ ვადაში, სრულყოფილად წარმოუდგინა ამ წესის მე-5 მუხლის მე-4 პუნქტით გათვალისწინებული დოკუმენტაცია და გაიარა რეგისტრაცია, ჩაითვლება კონკურსში მონაწილეობად.
3. კონკურსი ტარდება ერთ ტურად.

#### **მუხლი 5. საკონკურსო დოკუმენტაციის მიღება**

1. საკონკურსო განცხადებისა (დანართი 2) და დოკუმენტაციის მიღება განხორციელდება მინისტრის ბრძანებით განსაზღვრულ დღეებში. საბუთების მიღება კომისიაში იწარმოებს ყოველდღე (გარდა შაბათ - კვირის და უქმე დღეებისა).
2. პრეტენდენტის განცხადება და სავალდებულო დოკუმენტაცია წარმოდგენილი უნდა იქნას ქართულ ენაზე. უცხო ენაზე შესრულებული დოკუმენტაცია თარგმნილ უნდა იქნეს ქართულ ენაზე და დამოწმებული სანოტარო წესით.
3. პრეტენდენტმა განცხადება და სავალდებულო დოკუმენტაცია უნდა შეიტანოს კომისიაში.
4. პრეტენდენტმა უნდა წარმოადგინოს:
  - ა) განცხადება;
  - ბ) ეროვნული ბანკის მიერ გაცემული საბანკო საქმიანობის შესახებ ლიცენზიის ნოტარიულად დამოწმებული ასლი;
  - გ) ცნობა შესაბამისი დაწესებულებიდან, რომ საბანკო დაწესებულება არ იმყოფება დროებითი ადმინისტრაციის რეჟიმში;
  - დ) ამონაწერი მეწარმეთა და არასამეწარმეო (არაკომერციული) იურიდიული პირების რეესტრიდან;
  - ე) ცნობა მეწარმეთა და არასამეწარმეო (არაკომერციული) იურიდიული პირების რეესტრიდან საჯარო სამართლებრივი შეზღუდვის არარსებობის შესახებ;
  - ვ) საკონკურსო პირობების შესრულების უზრუნველყოფის ერთთვიანი უპირობო გამოუთხოვადი წერილობითი დოკუმენტი, რომლითაც ბანკი იღებს ვალდებულებას კონკურსში გამარჯვებულად გამოცხადების შემდეგ ხელშეკრულების გაფორმებაზე უარის თქმის შემთხვევაში გადარიცხოს აფხაზეთის ავტონომიური რესპუბლიკის რესპუბლიკური ბიუჯეტის სახაზინო ანგარიშზე 50 000 (ორმოცდაათი ათასი) ლარი;
  - ზ) საბანკო დაწესებულების უფლებამოსილი პირის ან მისი წარმომადგენლის მონაწილეობის შემთხვევაში, წარმომადგენლობაზე უფლებამოსილების დამადასტურებელი დოკუმენტის და პირადობის დამადასტურებელი დოკუმენტის ასლი;
  - თ) პრეტენდენტის მიერ წარმოდგენილი წინადადება, რომელიც უნდა შეესაბამებოდეს კონკურსის პირობებს (დანართი N1), ყველა გვერდი უნდა იყოს ხელმოწერილი უფლებამოსილი პირის მიერ, რომელიც კომისიას ბარდება დალუქული ფორმით. პრეტენდენტი შეზღუდული არ არის დადგენილზე უკეთესი პირობა შესთავაზოს კომისიას. პრეტენდენტს არ აქვს უფლება დადგენილი პირობები გააუარესოს.

5. კომისიის მდივანი ამოწმებს წარდგენილი დოკუმენტების შესაბამისობას ამ მუხლის მე-4 პუნქტით მოთხოვნილ დოკუმენტაციასთან, სრულყოფილ დოკუმენტაციას ატარებს სპეციალურ სარეგისტრაციო ფორმაში (დანართი 4) და იბარებს.
6. იმ შემთხვევაში, თუ პრეტენდენტის მიერ წარმოდგენილი დოკუმენტაცია არ შეესაბამება ამ მუხლის მე-4 პუნქტის „ბ“ – „თ“ ქვეპუნქტებით გათვალისწინებულ მოთხოვნებს, კომისიის მდივანი უთითებს პრეტენდენტს გამოვლენილ ხარვეზზე და აძლევს არანაკლებ ერთი სამუშაო დღის ვადას ხარვეზის აღმოსაფხვრელად, ხარვეზის დათქმულ ვადაში აღმოუფხვრელობის შემთხვევაში პრეტენდენტი კარგავს კონკურსში მონაწილეობის მიღების უფლებას.
7. საკონკურსო დოკუმენტები წარმოდგენილი უნდა იყოს ორიგინალის (დედანი) ან ნოტარიულად დამოწმებული ასლის სახით. პრეტენდენტი სრულად აგებს პასუხს მის მიერ წარმოდგენილი დოკუმენტების უტყუარობაზე.
8. კონკურსში მონაწილეობისათვის სავალდებულო დოკუმენტების მისაღებად გამოცხადებული ვადის ამოწურვის შემდეგ, კომისია წყვეტს დოკუმენტების მიღებას.
9. ამ მუხლის მე-4 პუნქტით გათვალისწინებული დოკუმენტების მიღების ვადის გაგრძელების უფლებამოსილება აქვს მხოლოდ მინისტრს კომისიის შუამდგომლობით.
10. მიღებული დოკუმენტები და სარეგისტრაციო ფორმა კონკურსის დაწყებამდე ინახება საკონკურსო კომისიის თავმჯდომარესთან.

## **მუხლი 6. კონკურსის ჩატარების წესი**

1. კონკურსი ჩატარებულად ითვლება, თუ მასში მონაწილეობას მიიღებს ერთი პრეტენდენტი მაინც.
2. კომისიის წევრები და პრეტენდენტები ცხადდებიან მინისტრის ბრძანებით განსაზღვრულ დროსა და ადგილას. პრეტენდენტები კონკურსის დაწყებამდე გაივლიან რეგისტრაციას კომისიაში.
3. პრეტენდენტის წარმომადგენლობაზე უფლებამოსილმა პირმა თან უნდა იქონიოს წარმომადგენლობაზე უფლებამოსილების დამადასტურებელი დოკუმენტი და პირადობის დამადასტურებელი დოკუმენტი (პირადობის მოწმობა ან საქართველოს მოქალაქის საზღვარგარეთის პასპორტი).
4. კომისიის მდივანი ამ მუხლის მე-3 პუნქტით გათვალისწინებული დოკუმენტაციის საფუძველზე ამოწმებს პრეტენდენტის წარმომადგენლის უფლებამოსილებას.
5. რეგისტრაციის დამთავრების შემდეგ, კომისიის მდივანი კომისიის თავმჯდომარეს წარუდგენს შემოსული განცხადებების ოდენობას და რეგისტრაციაგავლილი (გამოცხადებული) პრეტენდენტების შესახებ ინფორმაციას.
6. კომისია უფლებამოსილია, თუ სხდომას ესწრება წევრთა ნახევარზე მეტი.
7. კომისიის სხდომას ხსნის და დახურულად აცხადებს კომისიის თავმჯდომარე.
8. სარეგისტრაციო ფორმაში აღნიშნული რიგითობის მიხედვით კომისიის თავმჯდომარე კომისიას წარუდგენს პრეტენდენტთა მიერ წარმოდგენილ საკონკურსო დოკუმენტაციას.
9. კომისია აფასებს პრეტენდენტის მიერ წარმოდგენილი საკონკურსო წინადადების შესაბამისობას კონკურსის დადგენილ პირობებთან. წარმოდგენილ წინადადებაში კონკურსის პირობებთან რომელიმე პუნქტ(ებ)ის შეუსაბამობისას (ტექნიკური ხარვეზის ან სხვა შემთხვევაში), კომისიის გადაწყვეტილებით შესაძლებელია პრეტენდენტის უფლებამოსილმა წარმომადგენელმა მოიყვანოს შესაბამისობაში წარმოდგენილი დოკუმენტაცია, რის შემდეგ ხმათა უმრავლესობით იღებს გადაწყვეტილებას დამაკმაყოფილებელია თუ არა დამაკმაყოფილებელი პრეტენდენტის საკონკურსო

წინადადება. არადამაკმაყოფილებელი შეფასების შემთხვევაში პრეტენდენტი კარგავს კონკურსში მონაწილეობის უფლებას. თუ კონკურსში მონაწილე ყველა პრეტენდენტის საკონკურსო წინადადება შეფასდა არადამაკმაყოფილებლად, მაშინ კონკურსი ცხადდება ჩაშლილად.

10. კომისიის თავმჯდომარე, პრეტენდენტთა მიერ წარმოდგენილი ყველა დოკუმენტაციის კომისიაზე განხილვის შემდეგ, კონკურსის მონაწილეებს გააცნობს ყველაზე მაღალი საპროცენტო განაკვეთის წარმომდგენ კონკურსანტს და რიგითობის მიხედვით (ყველაზე მცირე საპროცენტო განაკვეთის წარმომდგენიდან ყველაზე მაღალი საპროცენტო განაკვეთის წარმომდგენამდე) სთავაზობს გააკეთონ განაცხადი საპროცენტო სარგებლის განაკვეთის გაზრდის შესახებ. ბოლო განაცხადს აკეთებს ყველაზე მაღალი საპროცენტო განაკვეთის წარმომდგენი პრეტენდენტი.

11. პრეტენდენტებს უფლება აქვთ შეცვალონ მათ მიერ კომისიაზე წარმოდგენილი პირვანდელი წინადადება შუბლუდვის გარეშე (არანაკლებ 0,01% ბიჯით), მაგრამ ის უნდა იყოს კონკურსში მონაწილეთა მიერ განცხადებულ ბოლო წინადადებაზე უმჯობესი.

12. კონკურსში ერთი პრეტენდენტის არსებობისას კომისია მონაწილე პრეტენდენტის თანდასწრებით სწავლობს მის მიერ წარმოდგენილ წინადადებას ერთობლიობაში (როგორც ნაშთზე დასარიცხი სარგებლის, ასევე კონკურსის სხვა პირობებით გათვალისწინებული მოთხოვნების მიმართულებით), რის შემდეგ პრეტენდენტს აძლევს შესაძლებლობას დამატებით გააუმჯობესოს შემოთავაზებული წინადადება. წინადადების მიღების დასრულების შემდეგ კომისია იღებს გადაწყვეტილებას.

#### **მუხლი 7. გამარჯვებულის გამოვლენა და ხელშეკრულების გაფორმება**

1. გამარჯვებულად გამოცხადდება ის მონაწილე, რომელიც კომისიას შესთავაზებს, სხვებთან შედარებით, უკეთეს პირობებს დანართი N1-ში მოთხოვნილ პირობებთან დაკავშირებით.

2. კომისიის სხდომებზე და კონკურსის შედეგებზე, არაუგვიანეს 2 დღისა, დგება ოქმი, რომელსაც ხელს აწერს კომისიის ყველა დამსწრე წევრი და კომისიის სხდომის მდივანი.

3. კომისია გადაწყვეტილებას იღებს დამსწრე წევრთა ხმათა უმრავლესობით. ხმების თანაბრად გაყოფის შემთხვევაში, გადამწყვეტია კომისიის თავმჯდომარის ხმა. კომისიის გადაწყვეტილებასთან დაკავშირებით განსხვავებული მოსაზრება კომისიის წევრს შეუძლია გამოთქვას კომისიის სხდომაზე, რომელიც აისახება კომისიის საოქმო გადაწყვეტილებაში. კომისიის სხდომის ოქმს ხელს აწერს კომისიის ყველა დამსწრე წევრი.

4. კონკურსზე საუკეთესო წინადადების წარმომდგენი ბანკის გამოვლენის შემთხვევაში, კომისიის სხდომის ოქმის შედგენიდან არაუგვიანეს 2 დღისა, კომისია რეკომენდაციით მიმართავს მინისტრს, რომელიც არაუგვიანეს 7 დღისა იღებს საბოლოო გადაწყვეტილებას.

5. მინისტრის გადაწყვეტილებით გამოვლენილ გამარჯვებულთან, არაუგვიანეს 5 დღისა, უნდა გაფორმდეს საბანკო მომსახურების შესახებ ხელშეკრულება.

6. თუ კომისიის მიერ ვერ იქნება გამოვლენილი საუკეთესო წინადადების წარმომდგენი ან კონკურსში არცერთმა პრეტენდენტმა არ მიიღო მონაწილეობა, ან მინისტრის მიერ არ იქნა გაზიარებული კომისიის რეკომენდაცია, მინისტრის ბრძანებით შესაძლოა გამოცხადდეს განმეორებითი კონკურსი მომსახურე ბანკის შესარჩევად, ამ წესის შესაბამისად.

7. კომისიის მიერ გამარჯვებულად გამოვლენილ პრეტენდენტთან, ხელშეკრულების პირობებთან დაკავშირებით, კონკურსის პირობების გათვალისწინებით, შესაძლებელია მოლაპარაკებების გამართვა ხელშეკრულების ხელმოწერამდე.

8. მინისტრის გადაწყვეტილება ცხადდება საჯაროდ. საჯაროდ გამოცხადებაში იგულისხმება შედეგების განთავსება აფხაზეთის ავტონომიური რესპუბლიკის მთავრობის ოფიციალურ

ვებგვერდზე - [www.abkhazia.gov.ge](http://www.abkhazia.gov.ge) აფხაზეთის ავტონომიური რესპუბლიკის ფინანსთა და ეკონომიკის სამინისტროს სექციაში.

9. თუ გამარჯვებული უარს იტყვის ხელშეკრულების გაფორმებაზე ან სხვა შემთხვევაში, როდესაც ვერ მოხდება გამარჯვებულთან ხელშეკრულების გაფორმება, კონკურსის გამარჯვებულად ცხადდება შემდგომი საუკეთესო წინადადების წარმომდგენი პრეტენდენტი ან ტარდება განმეორებითი კონკურსი.

#### **მუხლი 8. საკონკურსო დოკუმენტების შენახვის წესი**

პრეტენდენტთა მიერ წარმოდგენილი დოკუმენტები, კონკურსის ჩატარებიდან 3 წლის ვადით, ინახება სამინისტროს სახაზინო დეპარტამენტში.

#### **მუხლი 9. დასკვნითი დებულებები**

1. წესს სამინისტროს სახაზინო დეპარტამენტის წარდგინებით ამტკიცებს მინისტრი ბრძანებით.
2. წესში ცვლილებებისა და დამატებების შეტანა შესაძლებელია კანონმდებლობით დადგენილი წესით.

**აფხაზეთის ა/რ ფინანსთა და ეკონომიკის სამინისტროს განკარგულებაში არსებულ ფულად სახსრებზე პროცენტის დარიცხვის მიზნით მომსახურე ბანკის შესარჩევი კონკურსის პირობები**

**1. კონკურსის საგანი**

- 1.1. კონკურსის საგანია: სამინისტროს ეროვნული ვალუტის ანგარიშზე არსებული ნაშთის სრულ მოცულობაზე დასარიცხი წლიური საპროცენტო სარგებლის განსაზღვრა.
- 1.2. საპროცენტო სარგებელი - ფიქსირებული საპროცენტო განაკვეთი.

**2. პირობები**

- 2.1. დარიცხული საპროცენტო სარგებელი გადაირიცხება სახელმწიფო ხაზინაში (ბანკის კოდი: TRESGE22, სახაზინო კოდი:300913011).
- 2.2. დღის ბოლოს ანგარიშზე არსებულ ნაშთ(ებ)ს დაერიცხება საპროცენტო სარგებელი ყოველ კალენდარულ თვეს ორ ნაწილად შემდეგი პრინციპით:
  - ა) საპროცენტო სარგებლის პირველი ნაწილის დარიცხვა განხორციელდება კალენდარული თვის ბოლო სამუშაო დღის წინა დღის ჩათვლით და შემდგომ ამ თანხ(ებ)ის გადარიცხვა მოხდება ამავე კალენდარული თვის ბოლო სამუშაო დღეს სახელმწიფო ხაზინაში;
  - ბ) საპროცენტო სარგებლის მეორე ნაწილის დარიცხვა განხორციელდება კალენდარული თვის ბოლო სამუშაო დღიდან მოყოლებული ამავე კალენდარული თვის ბოლო კალენდარული დღის ჩათვლით და შემდგომ ამ თანხ(ებ)ის გადარიცხვა მოხდება შემდგომი კალენდარული თვის პირველივე სამუშაო დღეს სახელმწიფო ხაზინაში.
- 2.3. გამარჯვებული საბანკო დაწესებულება იღებს ვალდებულებას სამინისტროს გაუწიოს ხარისხიანი საბანკო მომსახურება წინარე დოკუმენტით გათვალისწინებული პირობების და დამატებით შემოთავაზებული მომსახურების შესაბამისად.

**3. საბანკო მომსახურება**

- 3.1. ანგარიშების გახსნა - უფასო;
- 3.2. ანგარიშის მომსახურების საკომისიო - უფასო;
- 3.3. აფხაზეთის ავტონომიური რესპუბლიკის მხარჯავი დაწესებულებების კორპორაციული მიმდინარე ანგარიშის გახსნა და მომსახურება - უფასო;
- 3.4. ნაღდი თანხის ანგარიშზე შეტანა-გატანა - უფასო;
- 3.5. თანხის გადარიცხვა ეროვნულ ვალუტაში, როგორც ბანკის სისტემაში, ისე ბანკის სისტემის გარეთ - უფასო;
- 3.6. თანხის გადარიცხვა უცხოურ ვალუტაში, როგორც ბანკის სისტემაში, ისე ბანკის სისტემის გარეთ - უფასო;
- 3.7. ამონაწერის მიღება - უფასო;
- 3.8. ინტერნეტ ბანკის პროგრამაში რეგისტრაცია - უფასო;
- 3.9. ინტერნეტ ბანკის პროგრამაში მომსახურება - უფასო;
- 3.10. ინტერნეტ ბანკით აქტიური ოპერაციების წარმოება - უფასო;

3.11. SMS მომსახურება - უფასო.

#### 4. სხვა პირობები

4.1. კონკურსში გამარჯვებულის შესახებ გადაწყვეტილების მიღებიდან არაუგვიანეს 5 დღისა გამარჯვებული აფორმებს სამინისტროსთან ხელშეკრულებას საბანკო მომსახურების შესახებ;

4.2. ხელშეკრულება ძალაშია კონკურსის ჩატარების მიმდინარე წლის ბოლო სამუშაო დღეს და მისი მოქმედების ვადა ამოიწურება მომდევნო წლის ბოლო სამუშაო დღის წინა დღეს.

4.3. ხელშეკრულების ვადაზე ადრე შეწყვეტა შესაძლებელი იქნება:

- მხარეთა ურთიერთშეთანხმებით;

- ნაკისრი ვალდებულებების შეუსრულებლობით;

- საქართველოს კანონმდებლობით და მხარეთა შორის გაფორმებული ხელშეკრულებით გათვალისწინებულ სხვა შემთხვევაში.

4.4. ხელშეკრულებაში ცვლილებები შეიტანება მხარეთა წერილობითი შეთანხმებით.



დანართი N2

აფხაზეთის ავტონომიური რესპუბლიკის ფინანსთა და  
ეკონომიკის სამინისტროს  
მომსახურე ბანკის შესარჩევი  
საკონკურსო  
კომისიის თავმჯდომარეს -----

**გ ა ნ ც ხ ა დ ე ბ ა**

(მომსახურე ბანკის შესარჩევი კონკურსში მონაწილეობის შესახებ)

გთხოვთ, მოგვეთ უფლება, აფხაზეთის ავტონომიური რესპუბლიკის ფინანსთა და ეკონომიკის სამინისტროს მომსახურე ბანკის ----- წლის შესარჩევი კონკურსში მონაწილეობა მიიღოს:

სს \_\_\_\_\_

(ბანკის დასახელება)

საიდენტიფიკაციო კოდი: \_\_\_\_\_; ტელ: \_\_\_\_\_;

მისამართი: \_\_\_\_\_;

ელ-მისამართი: \_\_\_\_\_;

საბანკო დაწესებულების უფლებამოსილი პირი (წარმომადგენელი):

(სახელი გარი

უფლებამოსილების დასადასტურებელი დოკუმენტის ნომერი)

საკონტაქტო ტელ: \_\_\_\_\_; ელ-ფოსტა: \_\_\_\_\_

(წარმომადგენლის შემთხვევაში დასადასტურებელი დოკუმენტი, თანამდებობა და საკონტაქტო მონაცემები)

ხელმოწერა:

თარიღი:

**გ ა ნ ც ხ ა დ ე ბ ა**

**აფხაზეთის ავტონომიური რესპუბლიკის ფინანსთა და ეკონომიკის სამინისტროს მომსახურე ბანკის შესარჩევი კონკურსის გამოცხადების შესახებ**

აფხაზეთის ავტონომიური რესპუბლიკის ფინანსთა და ეკონომიკის სამინისტროს 202 წლის „ „ N \_\_\_\_\_ ბრძანების თანახმად, სამინისტრო აცხადებს აფხაზეთის ავტონომიური რესპუბლიკის ფინანსთა და ეკონომიკის სამინისტროს მომსახურე ბანკის შესარჩევი კონკურსს.

კონკურსის საგანია: **სამინისტროს ეროვნული ვალუტის ანგარიშზე არსებული ნაშთის სრულ მოცულობაზე დასარიცხი წლიური საპროცენტო სარგებლის განსაზღვრა.**

კონკურსში მონაწილეობა შეიძლება მიიღონ საბანკო დაწესებულებებმა, რომლებიც საკონკურსო კომისიაში წარმოადგენენ კონკურსში მონაწილეობის შესახებ განცხადებას და საკონკურსო დოკუმენტაციას.

1. კონკურსის ჩატარების თარიღი განისაზღვროს ---- წლის -- თვე: კონკურსის ჩატარების ადგილი: ქ. თბილისი აფხაზეთის ავტონომიური რესპუბლიკის ფინანსთა და ეკონომიკის სამინისტროს ადმინისტრაციული შენობა, მისამართი: ქ. თბილისი, მ. თამარაშვილის ქ. N15ა, მე-3 სართული.

2. კონკურსის ჩატარების ზოგადი პირობები:

ა) საკონკურსო განცხადებისა და დოკუმენტაციის მიღება განხორციელდება ---- წლის - - თვიდან ---- წლის -- თვის ჩათვლით, ქ. თბილისი აფხაზეთის ავტონომიური რესპუბლიკის ფინანსთა და ეკონომიკის სამინისტროს ადმინისტრაციული შენობა, მისამართი: ქ. თბილისი, მ. თამარაშვილის ქ. N15ა, მე-3 სართული, ტელ: -----

ბ) საბუთების მიღება საკონკურსო კომისიაში იწარმოებს ყოველდღე (გარდა შაბათ-კვირის და უქმე დღეებისა).

3. პრეტენდენტის განცხადებას თან უნდა ერთვოდეს:

ა) ეროვნული ბანკის მიერ გაცემული საბანკო საქმიანობის შესახებ ლიცენზიის ნოტარიულად დამოწმებული ასლი;

ბ) ცნობა შესაბამისი დაწესებულებიდან, რომ საბანკო დაწესებულება არ იმყოფება დროებითი ადმინისტრაციის რეჟიმში;

გ) ამონაწერი მეწარმეთა და არასამეწარმეო (არაკომერციული) იურიდიული პირების რეესტრიდან;

დ) ცნობა მეწარმეთა და არასამეწარმეო (არაკომერციული) იურიდიული პირების რეესტრიდან საჯარო სამართლებრივი შეზღუდვის არ არსებობის შესახებ;

ე) საკონკურსო პირობების შესრულების უზრუნველყოფის ერთთვიანი უპირობო გამოუთხოვადი წერილობითი დოკუმენტი, რომლითაც ბანკი იღებს ვალდებულებას კონკურსში გამარჯვებულად გამოცხადების შემდეგ ხელშეკრულების გაფორმებაზე უარის თქმის შემთხვევაში გადარიცხოს აფხაზეთის ავტონომიური რესპუბლიკის რესპუბლიკური ბიუჯეტის სახაზინო ანგარიშზე 50 000 (ორმოცდაათი ათასი) ლარი;

ვ) საბანკო დაწესებულების უფლებამოსილი პირის ან მისი წარმომადგენლის მონაწილეობის შემთხვევაში, წარმომადგენლობაზე უფლებამოსილების დამადასტურებელი დოკუმენტის და პირადობის დამადასტურებელი დოკუმენტის ასლი;

ზ) პრეტენდენტის მიერ წარმოდგენილი წინადადება, რომელიც უნდა შეესაბამებოდეს კონკურსის პირობებს (დანართი N1), რომლის ყველა გვერდი უნდა იყოს ხელმოწერილი უფლებამოსილი პირის მიერ და კომისიის მდივანს ჩაბარდეს დალუქული ფორმით. პრეტენდენტი შეზღუდული არ არის კონკურსის პირობებით დადგენილზე უკეთესი პირობა შესთავაზოს საკონკურსო კომისიას. პრეტენდენტს არ აქვს უფლება დადგენილი პირობები გააუარესოს.

4. პრეტენდენტის განცხადება და თანდართული დოკუმენტაცია წარმოდგენილი უნდა იყოს ორიგინალის (დედანის) სახით ან ნოტარიულად, მოქმედი კანონმდებლობის შესაბამისად, დამოწმებული ასლის სახით.

5. პრეტენდენტის განცხადება და თანდართული დოკუმენტაცია წარმოდგენილი უნდა იყოს საქართველოს სახელმწიფო ენაზე, უცხო ენაზე შესრულებული დოკუმენტი ნოტარიულად დამოწმებული თარგმანის სახით.

6. პრეტენდენტი კონკურსზე დაიშვება კომისიაში განცხადებისა და დოკუმენტაციის დადგენილ ვადაში სრულად წარმოდგენისა და რეგისტრაციის შემთხვევაში.

7. კონკურსი ჩატარებულად ჩაითვლება, თუ ერთი მონაწილე მაინც მიიღებს კონკურსში მონაწილეობას.

8. კონკურსი ჩატარდება ერთ ტურად.

9. კონკურსის შედეგები გამოცხადდება საჯაროდ - აფხაზეთის ავტონომიური რესპუბლიკის მთავრობის ოფიციალურ ვებგვერდზე - [www.abkhazia.gov.ge](http://www.abkhazia.gov.ge) აფხაზეთის ავტონომიური რესპუბლიკის ფინანსთა და ეკონომიკის სამინისტროს სექციაში.

**შენიშვნა:** პრეტენდენტი სრულიად აგებს პასუხს მის მიერ წარმოდგენილი დოკუმენტების უტყუარობაზე.

აფხაზეთის ავტონომიური რესპუბლიკის ფინანთა და ეკონომიკის სამინისტროს  
მომსახურე ბანკის შესარჩევ კონკურსზე გამოცხადებულ პრეტენდენტთა  
სარეგისტრაციო ფორმა

N	დასახელება	წარმომადგენლობაზე უფლებამოსილი პირი	წარმომადგენლის ხელმოწერა	პასუხისმგებელი პირის ხელმოწერა	თარიღი საათი

კომისიის თავმჯდომარის  
ხელმოწერა: